

ԴՐԱՆՈՍՈՒԹՅՈՒՆ ԵՎ ՔՆՆԱԴԱՏՈՒԹՅՈՒՆ

«ՀԱՅ ԳԵՆԵՐԱԼՆԵՐ ԵՎ ՍՈՎԵՏԱԿԱՆ ՄԻՈՒԹՅԱՆ ՇԵՐՈՍՆԵՐ»¹

Հայրենական մեծ պատերազմի հերոսները իրենց կատարած սխրագործություններով հավերժացրել են մեր հայրենիքի փառքն ու անպարտելիությունը։ Իրա համար էլ նրանց կյանքն ու գործունեությունը պետք է ամենալուրջ կերպով ուսումնասիրվի և սովետական ժողովրդի սեփականությունը դարձվի։

Թվում է թե հենց այդ նպատակն է հետապնդել ընկ. Արմո Մալխասյանը կազմելով «Հայ գեներալներ և Սովետական Միության Հերոսներ» ալբոմը։ Հեղինակի նպատակն է եղել սովետական հասարակությանը ծանոթացնել Հայրենական Մեծ պատերազմում աչքի ընկած հայ գեներալների և Սովետական Միության Հերոսների մարտական գործունեության հետ, այն խիզախ մարտիկների ու հրամանատարների, որոնք ժողովուրդների մեծ առաջնորդ ընկեր Ստալինի ղեկավարությամբ, ՍՍՌՄ բազմազգ ժողովուրդների զավակների հետ կողք-կողքի կռվում էին գերմանա-ֆաշիստական զավթիչների դեմ, հանուն սովետական հայրենիքի ազատության և անկախության։

Ընկ. Մալխասյանը բավական աշխատանք է կատարել ալբոմի պատրաստման համար, սակայն նա չի կարողացել իր հավաքած հարուստ նյութն օգտագործել գիտական բարեխղճությամբ։ Աշխատությունը լի է փաստական կարգի սխալներով, հակասություններով, աղավաղումներով։

Այսպես, օրինակ, հեղինակը ալբոմի 42-րդ էջում Սովետական Միության Հերոս, Գվարդիայի գեղապետ Լևոն Հովհաննեսի Դարբինյանի մասին գրում է.

«Լևոն Հովհաննեսի Դարբինյանը ծնվել է 1903 թ., Ախալքալաքի շրջանի Ալաստան գյուղում, չքավոր ընտանիքում։ Հարկադրված լինելով թողնել դպրոցը, նա սկսում է բատրակություն, ապա և հովվություն անել գյուղում... 1922 թ. նա արդեն ԼԿԵՄ Բոգդանովկայի Շրջկոմի բարձրագույն է։ 1924 թ. նա կամավոր

կիրպով ընդունվում է Թբիլիսիի ռազմական դպրոցը, որն ավարտում է 1928 թվին։

Լևոն Դարբինյանը չոկի հրամանատարի աստիճանից աճում է ու դառնում դիվիզիայի հրամանատար։ Նա 12 տարի ծառայել է Վորոշիլովի անվան Հայկական դիվիզիայում։

Գիտությունների Ակադեմիայի Պատմության Ինստիտուտի Հայրենական պատերազմի Պատմության Կարիքներում Սովետական Միության Հերոս Լևոն Դարբինյանի անձնական գործը (տես ՀՊՊ Կարիքներ, գործ № 29), ցույց է տալիս, որ Լևոն Դարբինյանը ծնվել է 1905 թվին (և ոչ թե 1903 թ.), նրա հոր անունը Խնկիանոս է (և ոչ Հովհաննես), նա գյուղում հովվություն, ապա բատրակություն չի արել, եղել է Բորժոմի, Ախալքալաքի, ապա Ալեքսոլի (այժմ Լենինական) ոռոգանցներում, հետո բարձատ բանվոր ճանապարհների վրա։

1922 թ. Լևոն Դարբինյանը Բոգդանովկայի Շրջկոմի բարձրագույն չի եղել։

Հեղինակը գրում է, որ Դարբինյանը 12 տարի ծառայել է Վորոշիլովի անվան Հայկական դիվիզիայում, մինչդեռ նա այդ դիվիզիայում երբեք չի ծառայել։

Նույն էջում մենք կարդում ենք. «Նրա քաղաքի դիվիզիան մի թուրքով անցավ գետի աջ ափը։ Դրավված այդ պլանցդարմի համար մրգված կատաղի կռիվներից մեկի ժամանակ Լեվոնն ընկավ հերոսի մահով»։ Մինչդեռ մեզ հայտնի է, որ 1943 թ. դեկտեմբերի 25-ին Ռվայրի գրավման մարտերում ծանր վիրավորվեց (տես նրա պարգևաթերթիկը, ՀՊՊ Կարիքներ, գործ № 29), իսկ դեկտեմբերի 28-ին վախճանվեց Կորոստիշկոյում։

Հեղինակը Ալբոմի 18-րդ էջում գրում է. «Գվարդիայի գեներալ մայոր Սերգեյ Իսայի Կառապետյանը... միջնակարգ կոթւթյունն ստացել է Աշխարադում։ 1916 թվին կանչվելով բանակ, սովորել և ափարտել է Մոսկվայի Ռազմական դպրոցը... Կարապետյանը գալիս է Հալաստան և ակտիվ մասնակցություն ունենում երկրի սովետացմանը։ ... Կարապետյանը սովորել է նաև Կ. բաղաբի Հեծելազորային Ռազմական դպրոցում։ Վերև նշված փաստերից և ոչ մեկը իրականությունը չի համապատասխան-

¹ Հայ գեներալներ և Սովետական Միության Հերոսներ։ Ալբոմ։ Կազմեց Արմո Մալխասյան։ Հայպետհրատ, 1947 թ., Երևան։

նում: Իրականն այն է, որ ընկ. Սերգեյ Կարապետյանը 13 տարեկան հասակում գնացել է Մոսկվա, սովորել է Մոսկվայի Առևտրական դպրոցում (և ոչ թե Աշխարհագրում, ինչպես գրում է հեղինակը), ապա 1918 թ. սեպտեմբերին կամավոր կերպով մտել է Կարմիր Բանակի շարքերը Մոսկվայում (և ոչ թե 1916 թ.), 1919 թ. լազարացիական կոմիտեներին մասնակցել է Արևելյան ռազմաճակատում Կոլչակի դեմ: 1920 թվականին նրան գործուղել են սովորելու Օ. քաղաքի ռազմական դպրոցը, որն ավարտել է 1921 թ. հոկտեմբերին և ապա եկել Հայաստան (տես ՀՊՊ Կարինետ, գործ №11): Եզրակացությունը պարզ է: Գվարդիայի գեներալ մայոր Ս. Կարապետյանը երբևիցե չի սովորել ոչ Մոսկվայի Ռազմական դպրոցում և ոչ էլ Կ. քաղաքի Հեծելազորային Ռազմական դպրոցում, այլ՝ 1925 թվին մեկ տարի սովորել է Լ. քաղաքի Բարձրագույն Հեծելազորային դպրոցում (տես ՀՊՊ Կարինետ, գործ № 61), իսկ հետագայում 1931—1934 թ. թ. սովորել և ավարտել է Մոսկվայի Ֆրունզեի անվան Ակադեմիան:

Հեղինակը նույն էջում գրում է. «... նա իր դիվիզիայով կռվում էր Վորոնեժի ռազմաճակատում... արյունահեղ մարտեր է մղել Օստրովո և Տարտու քաղաքների համար, ապա և մտել Արևելյան Պրուսիա: Ծիշտ է, որ գվարդիայի գեներալ մայոր Սերգեյ Կարապետյանը հերոսական մարտեր է մղել Օստրովո, Տարտու, Ռիգա, Նիվել, Վելիկոլուդի համար և ապա 1945 թ. մայիսին մասնակցել է Բեռլինի համար մղվող մարտերին, բայց նա Արևելյան Պրուսիայում չի եղել:

Այնուհետև՝ 82-րդ էջում կարդում ենք. «Սովետական Միության Հերոս Ռուբեն Բաղիրովը ծնվել է 1908 թվին Շուշի քաղաքում, 7-ամյա կրթություն ստացել է տեղի հայկական դպրոցում, իսկ միջնակարգ կրթություն Թուրքմենստանում, այստեղ նա ընդունվում է Լենինի—Ստալինի պարտիայի շարքերը: 1940 թվականին Ռուբեն Բաղիրովը ավարտում է Կիզիլարվադի Ֆինանսա-տնտեսագիտական ինստիտուտը, 1942 թվի աշնանը Բաղիրովն ավարտում է Աշխարհագրի հետևակային դպրոցը և մեկնում ռազմաճակատ:

Մինչդեռ Բաղիրովի ծնողները տեղափոխվել են ընտանիքով Թուրքմենստան, երբ դեռ Ռուբենը չէր ծնվել, ուրեմն նա Շուշի քաղաքում 7-ամյա կրթություն ստանալ չէր կարող. 7-ամյա կրթություն ստացել է Թուրքմենստանի Կիզիլարվադի Երկաթգծի դպրոցում, որն ավարտել է 1926 թվին (տես ՀՊՊ Կարինետ, գործ № 8), նույն տեղում այդ տարիներին նա պարտիայի մեջ չի անցել, այլ նա պարտիայի շարքերն է ընդունվել 1943 թվականին, երբ աշ-

խատում էր որպես Թուրքմենստանի Բնակ. Կոմունալ շինարարության Ռեսուրսիկական Կոմիտեի նախագահ (տես ՀՊՊ Կարինետ, նրա անձնական գործը): Ընկ. Ռ. Բաղիրովը Կիզիլարվադի Ֆինանսա-տնտեսագիտական ինստիտուտում սովորել չէր կարող, որովհետև այնտեղ այդպիսի ինստիտուտ չի եղել: Ռուբեն Բաղիրովը 1943 թվի սեպտեմբերին գնում է Բանակ, նրան ուղարկում են Ա. քաղաքի հետևակային դպրոցում սովորելու: Ավարտելով դպրոցը, 1944 թ. մարտին մեկնում է ռազմաճակատ (և ոչ թե 1942 թ., ինչպես գրում է հեղինակը):

Ալբոմի 45-րդ էջում կարդում ենք. «Սովետական Միության Հերոս Գեդեոն Միքայելյանը 9 տարեկան հասակից, ստիպված է լինում ապրել իր աշխատանքով: Նա լինում է գաղնարած, բատրակություն է անում, սովորում է կոշկարի մոտ, պահակություն անում:

Իրականում ընկ. Գ. Միքայելյանը եղել է կոշկակարի մոտ աշակերտ (ոչ թե գաղնարած, բատրակ, պահակ), հետո՝ էլեկտրոկայանի շինարարության վրա Բանվոր, իսկ 1924 թվին մտել է Երևանի Ռազմական դպրոցը սովորելու (տես ՀՊՊ Կարինետ, գործ № 43): Հեղինակը նույն էջում գրում է, որ «թշնամուն հաջողվում է շրջապատել կապիտան Միքայելյանի զորամասը, բայց նա մեկ ու կես ամիս կարողանում է դիմադրել հակառակորդին, հսկայական զոհեր պատճառել նրան, վերջապես ճեղքելով օղակը, միանալ Կարմիր Բանակի զորքերին: Հայրենական Պատերազմի Պատմության Կարինետում պահվում է անձամբ Սովետական Միության Հերոս Գ. Միքայելյանի պատմածի սղագրությունը, որից երևում է, որ այդ օղակը ճեղքել են մի շարք զորային միավորումներ, որոնց թվում իր ղեկավարած գունդը (և ոչ թե միայն նրա ղեկավարած գունդն է ճեղքել, ինչպես գրում է հեղինակը): Հեղինակը նույն էջում գրում է, որ զինվորական Ակադեմիան ավարտելուց հետո ընկ. Միքայելյանը ստանում է փոխգնդապետի կոչում և նորից մեկնում ռազմաճակատ: Ընկ. Գ. Միքայելյանը 1942 թ. նոյեմբերին արդեն փոխգնդապետ էր, իսկ նա Ֆրունզեի անվան Ակադեմիան ավարտել է 1943 թ. օգոստոսի 1-ին:

Ընկ. Մալխասյանը գրում է. «Սովետական Միության Հերոս Գվարդիայի լեյտենանտ Վլադիմիր Հովհաննիսյանը 1943 թվականի սկզբին կանչվում է Բանակ, մեկնում է ռազմաճակատ և նույն թվին աչքի է ընկնում իր սխրագործություններով: Մինչդեռ Վլադիմիր Հովհաննիսյանը Սովետական Բանակում էր գտնվում դեռևս 1941 թվի օգոստոսի 20-ից (տես ՀՊՊ Կարինետ, գործ № 243), նա առաջին անգամ 1941 թ. սեպտեմբերի 5-ին վիրավորվում է

Քլեյա բաղադրի համար մղվող կոիվներում, բուժվելուց հետո կրկին մասնակցում է մարտերին և 1941 թվականի նոյեմբերի 10-ին Յարցեվո բաղադրի տակ մղված կոիվներում վիրավորվում է երկրորդ անգամ, իսկ 1943 թ. առաջադրվում է Սովետական Միության Հերոսի կոչման (տես ՀՊՊ Կարիենտ, գործ № 243, նրա պարգևաթերթիկը)։

Հեղինակը 111 էջում գրում է. «Սովետական Բելոռուսիայի անտառներում և անանցասելի հովիտներում ցուցաբերած հերոսության համար ՍՍՌՄ Գերագույն Սովետի նախագահությանը բարձր գնահատելով անվահեր գվարդիական Է. Բրեյտուր Աբամայիս Սարգսյանի սխրագործությունները, իր 1942 թ. հունիսի 22-ի հրամանագրով նրան շնորհեց Սովետական Միության Հերոսի կոչում»։ Մինչդեռ գվարդիայի եֆրեյտոր Աբամայիս Ասատուրի Սարգսյանը Սովետական Միության Հերոսի կոչում է ստացել Գերագույն Սովետի 1944 թվականի հուլիսի 22-ի հրամանագրով (տես 23 հուլիսի, 1944 թ. «Իզվեստիա» թերթի հերոսների ցուցակի 103 համարը)։

Ալբոմի 57-րդ էջում կարդում ենք. «Սովետական Միության Հերոս Լ. Ս. Չափչախյանը... 1933 թվին ընդունվում է ՀամԿ(Բ)Պ շարքերը, սույն թվին էլ պարտագիր զինվորական ծառայության համար կանչվում է Սովետական Բանակ, ուր գտնվում է մինչև այժմ... ՍՍՌՄ Գերագույն Սովետը 1942 թ. դեկտեմբերի 21-ին նրան շնորհեց Սովետական Միության Հերոսի կոչում»։

Սովետական Միության Հերոս Լազր Չափչախյանը 1937 թվին է ընդունվել ՀամԿ(Բ)Պ շարքերը։ Հեղինակին հայտնի չէ նույնիսկ այն փաստը, որ Չափչախյանը 1942 թ. ապրիլի 18-ին զոհվել է պաշտոնական պարտականությունների կատարման ժամանակ (տես ՀՊՊ Կարիենտ, գործ № 202)։ Չափչախյանի զորային միավորումը նրան առաջադրել է հետմահյա կոչման (տես նրա պարգևաթերթիկը)։

ՍՍՌՄ Գերագույն Սովետը Չափչախյանին Սովետական Միության Հերոսի կոչում է շնորհել ոչ թե 1942 թ. դեկտեմբերի 21-ին (տես ալբոմի 57-րդ էջը), այլ 1942 թ. հուլիսի 21-ին (տես նրա անձնական գործում Գերագույն Սովետի հրամանագիրը)։ Հեղինակին հայտնի չեն նաև Չափչախյանի սխրագործությունները, այն, որ Չափչախյանի ղեկավարած լսկադրիլիան կատարել է 1800 մարտական թռիչք և ցած է գցել 60-ից ավելի գերմանական ինքնաթիռ, որի համար նախքան հերոսի կոչում ստանալը, Չափչախյանը պարգևատրվել է լենինի և Կարմիր Աստղի շքանշաններով։

Հնկ. Մալխասյանի ալբոմի 85-րդ էջում

նշվում է, որ «Սովետական Միության Հերոս, գվարդիայի լեյտենանտ Աշոտ Ավետիսի Ամատունին ծնվել է 1923 թվին լենինականում... սովորում և ավարտում է լենինականի Մանկավարժական ինստիտուտը, Հայրենական պատերազմն սկսելուն պես նա մեկնում է Սովետական Բանակ, սովորում և ավարտում է տանկային դպրոցը»։ Մինչդեռ Աշոտ Հաբեթի (ոչ Ավետիսի) Ամատունին բանակ է գնացել կամավոր, 1942 թ. փետրվարին, լենինականի երկամյա Մանկ. ինստիտուտի 2-րդ կուրսից։ Նա սովորել, ու ավարտել է Հետևակային ուսումնարանը, ապա մեկնել է Ֆրոնտ, Ստալինգրադի մոտ վիրավորվել է, առողջանալուց հետո գնացել է սովորելու տանկային դպրոցում, որն ավարտել է 1943 թ. նոյեմբերին, ստացել կրտսեր լեյտենանտի կոչում, մասնակցել է Ուկրաինայի ազատագրմանը և Բելոլինի համար մղվող մարտերին։

Ալբոմի 88-րդ էջում հայտնվում է, որ Սովետական Միության Հերոս գվարդիայի կրտսեր լեյտենանտ Աշոտ Մինասի Ասրյանը ծնվել է 1922 թ. Ստեփանավանի շրջանի Վարդաբլուր գյուղում. 1941 թ. կանչվում է Սովետական Բանակ։ Մինչդեռ Ասրյանը ծնվել է 1920 թ. մարտի 3-ին Թբիլիսի բաղաբում (ոչ Վարդաբլուրում)։ Նրա հոր անունը ոչ թե Միայի է, այլ Մինաս է։ Նա բանակ է գնացել ոչ թե 1941 թվին, այլ 1940 թվին և մասնակցել է պատերազմին՝ սկզբից մինչև վերջ։

Հնկ. Մալխասյանը ալբոմի 3-րդ էջում բժշկական ծառայության գեներալ-գեղապետ Լևոն Օրրելու մասին գրում է. «... 1925 թվին Ռազմա-բժշկական ինստիտուտի ֆիզիոլոգիական ամբիոնի վարիչ, որ ղեկավարում է մինչև այսօր... Նա բիոլոգիական բաժնի ակադեմիկոս քարտուղարն է, իսկ 1942 թվին ՍՍՌՄ Գիտությունների Ակադեմիայի առաջին վիշեպրեզիդենտ»։ Հեղինակը շարունակում է. «Ուրպես ՍՍՌՄ Գիտությունների Ակադեմիայի վիշեպրեզիդենտ և նույն Ակադեմիայի ֆիզիոլոգիական բաժանմունքի ակադեմիկոս-քարտուղար... զարգացրել է բացառիկ լայն կոորդինացնող գործունեություն...»։

ՍՍՌՄ Գիտությունների Ակադեմիայի 1946 թվի հրատարակությամբ լույս տեսած «Լևոն Աբգարի Օրրելի» փոքրիկ բրոշյուրում գրված է. «Լևոն Աբգարի Օրրելին 1925—1946 թ. թ. եղել է Ս. Մ. Կիրովի անվան Ռազմա-բժշկական Ակադեմիայի (ոչ ինստիտուտի, ինչպես գրում է հեղինակը) ֆիզիոլոգիայի ամբիոնի վարիչ և պրոֆեսոր (տես գրքի 4-րդ էջը)։ Իսկ 1939—1946 թ. թ. ՍՍՌՄ Գիտությունների Ակադեմիայի Բիոլոգիական բաժանմունքի ակադեմիկոս-քարտուղար» (ոչ մինչև այժմ, ինչպես գրում է

հեղինակը)։ Հեղինակն այնքան անփութություն է ցուցաբերում, որ չհիշելով իր վերը գրած բառերը, Ակադեմիան դարձնում է ինստիտուտ, Բիոլոգիական բաժանմունքը՝ ֆիզիոլոգիական բաժանմունք, իսկ Բիոլոգիական բաժանմունքի դարձնում է բաժին և այլն։

Ընկ. Մալխասյանը Սովետական Միության Հերոս Սիմոն Բաղդասարյանի մասին գրում է (տես էջ 71), որ նա «1938 թ. ավարտում է Թբիլիսիի Որջոնիկիձեի անվան ռազմական դպրոցը և ստանում կրտսեր լեյտենանտի կոչում... Իսկ Կերչ քաղաքի ազատագրման ժամանակ հանդես բերած բացառիկ խիզախության համար՝ Կարմիր Դրոշի շքանշան է ստանում...»։

Գիտությունների Ակադեմիայի Պատմության ինստիտուտի Հայրենական Պատերազմի Պատմության Կարինետում պահվող պաշտոնական փաստաթղթի համաձայն պարզվում է, որ Սովետական Միության Հերոս Ս. Բաղդասարյանը ռազմական դպրոց չի ավարտել և կրտսեր լեյտենանտի կոչում այդ տարիներին չի ստացել, այլ նա կրտսեր լեյտենանտի կոչում է ստացել 1940 թ. Քութայիսում, երբ կուրսերում սովորում էր (տես ՀՊՊ Կարինետ, գործ № 160), Կերչի ազատագրման ժամանակ նա Կարմիր Դրոշի շքանշան չի ստացել և այժմ էլ չունի։

Սովետական Միության Հերոս Իվան Շահումյանի (տես՝ ալբոմի 94-րդ էջը) մասին գրված կենսագրականը նույնպես ճշգրտված է։ Ընկ. Ի. Շահումյանը ոչ թե ավագ սերժանտ է, ինչպես գրում է հեղինակը, այլ փոխ-գնդապետ, ոչ թե 1914 թվի ծնված, այլ 1913 թվի, պարտիայի անդամ է ոչ թե 1940 թվից, այլ 1941 թվից։ Նա բանակ է գնացել 1941 թ. սեպտեմբեր ամսին և մասնակցել է ծնիթի կռիվներին (տես ՀՊՊ Կարինետ, գործ № 276)։

Կենսագրական փաստերի, վայրերի, զինվորական կոչումների և այլ տիպի բազմաթիվ սխալներ կան ալբոմի շատ էջերում, մասնավորապես 47, 54, 71, 72, 73, 87, 94, 95, 102, 104, 105, 113, 116 էջերում։

Երբեմն մոռացության են տրված մարդկանց ստացած շքանշանները, երբեմն էլ նրանց վերագրում է այնպիսի շքանշաններ, որ նրանք չեն ստացել։ Օրինակ, գեներալ, մայոր Բ. Հ. Գալըստյանը (տես 23-րդ էջը) ստացել է Լենինի շքանշան և Սովետական Բանակում 20-ամյա ծառայության մեդալ, մասնակցել է սովետա-ֆիննական կռիվին, բայց հեղինակը չի նշում։ Գեներալ Մայոր Հ. Հ. Մարտիրոսյանը (տես 26-րդ էջը) Մոսկվայի պաշտպաններից է։ հեղինակն այդ մասին ոչինչ չի հիշատակում։ Նա ունի ոչ թե երկու, այլ երեք մարտական Կար-

միր Դրոշի շքանշան և Սովետական Բանակում 20-ամյա ծառայության մեդալ, որոնց մասին հեղինակը ոչինչ չի գրում։

Հրետանու գեներալ մայոր Գ. Չալախյանը, բացի հեղինակի թվարկած շքանշաններից, ունի նաև ԲԳԿՔ 20-ամյա ծառայության մեդալ։ Սրանց հակառակ՝ հեղինակը Սովետական Միության Հերոս Սիմոն Բաղդասարյանի մասին գրում է (տես էջ 71), որ նա պարգևատրվել է Կարմիր Դրոշի շքանշանով, բայց նա այդպիսի շքանշան չի ստացել։

Սովետական Միության Հերոս Աղվան Բաբայանը սւռացել է Բոգդան Խմելնիցկու շքանշան (տես 104-րդ էջը), մինչդեռ Հայրենական Պատերազմի Պատմության Կարինետում եղած Բաբայանի անձամբ հաղորդածի սղագրության մեջ նա ցույց է տվել (տես ՀՊՊ Կարինետ, գործ № 341) մի շարք շքանշաններ, բայց ոչ Բոգդան Խմելնիցկու անվան շքանշան։

Շատ դեպքերում ճիշտ չեն տրված նաև Գերագույն Սովետի հրամանագրերի տարեթվերն ու ամսաթվերը։

Ալբոմի 108-րդ էջում Սովետական Միության Հերոս Աշխարհբեկ 'ազարյանի մասին հայտնվում է, որ նա Սովետական Միության Հերոսի կոչում ստացավ 1945 թվի փետրվարի 21-ին, մինչդեռ նա հերոսի կոչման է արժանացել Գերագույն Սովետի փետրվարի 27-ի հրամանագրով (տես 1945 թ. մարտի 3-ի «Բզվեստիա» № 52, հերոսների ցուցակի 113-րդ համարը)։

Ըստ ալբոմի՝ Արամայիս Սարգսյանը Սովետական Միության Հերոսի կոչում է ստացել 1942 թ. հուլիսի 22-ին, այնինչ նա հերոսի կոչում է ստացել 1944 թ. հուլիսի 22-ին (տես ՀՊՊ Կարինետ, նրա անձնական գործը)։

Ալբոմի 81-րդ էջում հաղորդվում է, որ Սովետական Միության Հերոսի կոչում է ստացել Սերգեյ Սարխոշևը 1941 թ. նոյեմբերի 5-ին, մինչդեռ նա հերոսի կոչման արժանացել է 1944 թ. փետրվարի 22-ի հրամանագրով (տես 24j2 «Իզվեստիա» № 46, 1944 թ.)։

Ըստ ալբոմի տվյալների՝ Սուրեն Սարգսյանը Սովետական Միության Հերոսի կոչում է ստացել 1948 թ. մարտի 27-ին, մինչդեռ նա հերոսի կոչման է արժանացել 1945 թ. մարտի 24-ի հրամանագրով։

Նույնանման սխալներ կան մասնավորապես 79-րդ, 53-րդ, 67-րդ, 70-րդ, 87-րդ, 107-րդ էջերում։ Տարօրինակ է, թե ինչու հեղինակը ոչ մի խոսք չի ասել Սովետական Միության կրկնակի հերոս Ն. Ստեփանյանի, հերոսներ Մագոյանի, Չափախյանի և մյուսների շքանշանների մասին, մի բան, որ շատ անհրաժեշտ էր։

Ալբոմը զերծ չէ նաև ավելորդաբանություններից: Ալբոմի 96-րդ էջում, խոսելով Սովետական Միության Հերոս ավագ սերժանտ Սուրեն Սմբատի Առաքելյանի մասին, բնկ. Մալխասյանը մի շարք անհիմն ու մտացածին փաստեր է բերում:

Մինչդեռ մեզ հայտնի է, որ Կուրբատսկայայի բնակավայրում Առաքելյանը արհամարհելով մահը, նետվեց թշնամու կրակակետի վրա: Մի քանի րոպեից հետո վաշտը արդեն բարձունքի գագաթին էր: Եվ նրա տարած Կարմիր Դրոշը ծածանվում էր բարձունքի վրա (տես ՀՊՊ Կարինետ, գործ № 75):

Սովետական Միության Հերոս ավագ սերժանտ Արամայիս Պողոսյանի մասին 95-րդ էջում ասված է. «Երբ սկսվեց Հայրենական Պատերազմը, Պողոսյանը գտնվում էր Արևմտյան Ուկրաինայում: Թշնամու առաջին ծանր հարվածները ընդունողներից մեկը եղավ ավագ սերժանտ Պողոսյանը: Իր ստորաբաժանման մարտիկների հետ նա համառ մարտեր է մղում հարձակվող հրոսակախմբերի դեմ, հյուծելով թշնամուն: Արամայիս Պողոսյանը մարտական փառքով պսակեց իրեն Ստալինգրադի համար մղված կռիվներում: Հեղինակը փոխանակ ընդհանուր, սովորական գնահատականներ տալու, կարող էր գրել իրականը և էականը, որ Պողոսյանը Սովետական Միության Հերոսի կոչման է արժանացել 1943 թ. սեպտեմբերի 29-ի Դարնիվկայի ուսյունում Դենեպրը անցնելու համար, վիրավոր վիճակում նա երկու անգամ կապում է իր վերքերը և շարքից դուրս չի գալիս (տես ՀՊՊ Կարինետ, գործ № 242): Նույն տիպի սխալներ կան նաև Սովետական Միության Հերոս, լեյտենանտ Ղազարոս Ավագյանի մասին գրված բաժնում:

Ալբոմում կան բավական լեզվական, ո-

ճական սխալներ, որոնց կողքով անուշադիր է անցել ալբոմի խմբագիրը:

Մի քանի խոսք նկարչական ձևավորման մասին: Ալբոմի նկարչական ձևավորումը կատարել են նկարիչներ Ս. Արուստյանը և Ա. Շաքարյանը: Ալբոմում զետեղված գեներալների և Սովետական Միության հերոսների լուսանկարների ընտրությունը կատարվել է միանգամայն պատահական, իսկ նկարիչներն էլ չափից դուրս անփույթ են ձևավորել, որի հետևանքով ստացվել է այն, որ պորտրետների մեծ մասը չեն տեղավորված շրջանակների կենտրոնում (տես 64, 66, 69, 84, 92, 95, և այլ էջեր): Շրջանակները հավասարապես չեն կտրված, պորտրետները դուրս են մնացել շրջանակներից: Լուսանկարների մեծ մասը (տես 11, 22, 39, 70, 76, 93, 109 և այլ էջեր) արտահայտիչ չեն:

Ալբոմի համարյա բոլոր էջերը լցված են միատեսակ շաբլոն, դիտողի համար անհետաբերքի օրնամենտով:

Գեներալները, Սովետական Միության Հերոսները, սպաները, մարտիկները, նույնիսկ զոհվածները բոլորը միատեսակ ձևավորման շրջանակի մեջ են գտնվում: Շատ հետաքրքիր կլիներ, եթե մեր ձևավորող նկարիչները ձևավորեին ոչ թե շաբլոն, միապաղաղ, անհետաբերքի շրջանակի մեջ, յուրաքանչյուրին՝ ըստ իրենց զինվորական մասնագիտության (օդաչու, տանկիստ, հրետանավոր, բժիշկ, կապավոր և այլն):

Միանգամայն աններելի է, որ այսպիսի շատ կարևոր մի աշխատանք կատարված է այդքան անփույթ կերպով: Հայ գեներալների ու հերոսների կյանքին ու մարտական գործողություններին նվիրված ալբոմը պետք է որ լույս տեսնելու շատ ավելի լուրջ ու բարեխիղճ կատարմամբ և խմբագրմամբ:

Կ. ԿՈՉՄՈՅԱՆ